山庫全幸

史部

飲定四庫全書

江西通志卷一百六十

更部

詳校官監察御史臣范 表 檢討臣德生覆勘 校對官中書臣 腾绿監生臣

楊桃

温汝

适珩

呉

銓

欠三日国ニテ 少游如時女步春終傷婉弱後山如九皋獨吹深山 女而松風之夢故在梅聖俞如園河放溜瞬息無聲秦 渾歐公如四朔八連上可施之宗廟荆公如鄧文維兵 本朝蘇東坡如屈注天潢倒連為海變時百怪終歸姓 入蜀要以檢絕為功山谷如衛弘景祇的入官析理談 欽定四庫全書 江西通志卷一百六 雜記二 江西通志

芳沖寂自妍不求識賞韓子蒼如梨園按樂排比得倫 蠶吐襟血全因蜀鳥流徑窄不妨隨繭栗路長那更聽 詩曰挾策行行訪楚囚也勝流落嬌南州翳然半是吴 恐 唐杜工部如周公制作後世其能擬議教體 金与四月五十 釣輔家山千里雲千疊十口生離兩地愁按鷓鴣之鳴 亂時多當國者見而惡之竟謫春陵死其往春陵也作 吕居仁如散聖安禪自能奇逸其他作者未易彈陳 川曾景建布衣也詩云九十日春晴景少一千年事 卷一百六 銷集

果勝大丈夫同前 扶疎大竹枯筆端真有造化爐人問俗氣一點無健婦 法回自從見謝公論對得豪張同前 見山谷曰得婚如是足矣遂妻之山谷卒從師厚得 謝景初字師厚宋熙豐間任司封即中方為長女擇對 其聲云鉤躺格磔俗云行不得也豫章書 こうしこう 山谷季妹適張級和有詩云級齊先生之季女十年 王之才妻李氏公擇妹也山谷呼為姨母有詩云小竹 工两通志

一剑定匹库全書 黄相小字小德山谷子生母出於微贱故谷詩云解著 青一妹適字安詩亦文章士也同前 以寫一家兄弟之情江山千里俱頭白骨月十年終眼 王純完字世弱山谷有詩云墨以傳千古文章之神歌 對無可人其常婦公堂上塵家風孝友故相親一妹適 **酒夫論不妨無外家坡次韻有云名駒已汗血老蚌空** 泥沙山谷在黔中與王瀘州帖云小子相今年十四骨 差魔厚又詩云小兒未可知客成許敦麗同前 卷一下六

宜州水州有唐生者從之遊為之經紀後事收拾遺文 :),) 敏功王直方洪豹饒節高荷江革李淳晁沖之潘大 法嗣陳無已潘大臨謝無逸徐俯洪朋洪炎林敏修林 伯庸帥蜀以其為雙井之族乃以賭其行召居仁作 餘年史衛王當國乃有得之以獻者衛王甚珍之後黃 獨所謂家乗者倉忙問為人竊去尋訪了不可得後百 山谷晚年作日録題日家乗取孟子晉之乗之義謫死 西傳衣詩派圖以山谷為祖列陳無己等二十五人為 I 馬通も

善權 位 宋豫章有四洪朋易炎羽皆黄山谷之甥也皆能詩 | 動定匹庫全書 見富貴非吾願也杜門不出者二十年該通六經費 林級功字子仁斯春人年十六預鄉為下第歸嘆曰 孔有二劉亦極一時之盛 江端本李彭謝連楊符何凱韓子蒼夏均父僧仕可僧 而 不 位俱顯當時臨川有三王南豐有三曾臨江有 顯真 10] 前 鄱防有三洪适邁遵告洪忠宣之子也皆能詩 同 百六十 前 軒 而

魯直有癡弟省添琴而不御蟲雖入馬魯直嘲之曰龍 - ファンファーシュー 池生壁蝨而未有對魯直之兄大臨旦見牀下以弱 共隱世號二林同前 極鶴髮以與懷老其將至有詩文干餘篇與其弟敏 俊之遊何敢妄意高尚之事卧牛衣而待旦寒如之 徳賜號高隱處士旌表其門子仁謝表云自是難陪英 守謂同僚曰吾宗有隱君子出郊見之及還朝舉其隱 百氏宋元符末蔡元度薦之不就徴政和中林震為郡 江西通志

一 卸定匹库全書 畜生無問知其弟也大呼曰我有對矣乃虎子養溪無 黄庭堅為泰和令一日勘民出東郊聞竹林中兴聲回 老嫗歸終身養之因自贊曰似僧有髮似俗無塵作夢 有一女死若干年矣因詢其日月即堅所生之辰遂與 登快閣隱即夢飯鮮魚及覺猶若在口也起馳竹林見 一老嫗哭之衣墓前置列飯鮮為詢其故嫗云平生止 後山詩 夢見身外身 古安府志

アニリューハーラー 黃魯直少有詩名未入館時在葉縣大名吉州太和德 未服盧采字可証豫章書 米蓋言精鑿失之甚矣元微之謝白樂天云八米詩成 書徐師川與潘卯老云句稱八米繼盧即按齊文宣前 惟盧思道獨得八首時人稱為八米盧郎米字蓋米字 文士各作挽詩十首擇其善者用之每人不過一二首 待覺察雜記魯直與高子勉詩朝尊八米句窗下十年 一記也十首中采擇八首耳詩人不之考相襲以為八 江西通志 ħ

陵守陳誠虚中刊歐陽公居士集亦無倫次蓋不知編 金员业月全書 居世英刊東坡全集殊有叙又絕少舛謬極可賞也廬 炎玉父專其事遂以退聽為斷以前好詩皆不收而不 用吕汉老杜詩編年為法前後參錯殊抵牾也反不如 數詩文為豫章集命洛陽朱敦儒山房李形編集而洪 無意盡去少作胡直儒少及建炎初帥洪州首編魯直 平詩已卓絕後以史事待罪陳留偶自編退聽堂詩初 體耳者指 結 肖] 一百六十

時所見長鷹爪者初至縣卷者乎今謾寄數两大爪然 絕色及其遊界南北真見妖麗之妹遂復尋常商宣量 士人初入都見縣卷燕支舖群婢即嘆息以為熊趙之 一二兩以常茶十數斤養之用避暑濕之氣其品速出 次三四年亡雪 > 如所諭不可解竊意似南方士人觀國爾音有南方一 已後洪之雙井白芽漸盛近歲製作猶精囊紅紗不過 蠟茶出於福建草茶盛於两折其品日鑄為上自景祛 日鑄上魯直與陳季常帖云雙井前所選乃家園第 江西随志

新喻蕭貫未第時嘗感疾夢緑衣人名至帝所賦禁中 晓寒歌其詞云寶獸官扉三十六官樹迎霜紅簇簇翠 自薦達胡為乎泥中沈痾正無賴安得君從容其子亦 生氷雪姿七星羅心胸宣無有絲毫上裨天子聰而不 可憐風味如乃翁臨江府志 胡致隆號蕭難居士與山谷往来坐上分題賦親云平 坡錐欲臣雙井其可得哉同前 其味乃不甚良也自山谷品題之後雙井之名益者東

金なりたんろう

箭傳呼鑰魚澀尚衣次進如堵牆干門萬户開天香 艫欲轉霏紅玉涓鳥涓涓不相續十二 義關隱官緑長 龍鼓氣濕寒將醉谷澤玉迎宸光綠衣佩魚無左指兩 廊四柱簾旌濕海牛壓簷風不入文韓侍嬪當宸闡壺 紗盤龍珠網垂百刻香殘隕蓮燭炭猊呀餤壁椒馥轆 此行波笺也賦就復曰子詩有奇語異日必貴後貫果 兩趙走瞻扶桑江萍半窺出波面熠爚觚稜九霞絢鳴 一聲天上來長劍高冠滿前殿初官人授簡於貫曰

てきり こくらい

Į.

江西通志

及第 自是不復限數矣同前 攜所聚之錢號泣藏前擲錢拜地輪嚴自轉監寺駭典 家極貧念欲轉藏以資冥福累月辛苦求拾終不滿 慧力寺初造輪藏成僧限千錢則轉一市有營妓喪夫 治平三年建昌軍夏早郡官禱雨是時鄉貢進士傅嚴 迫於貧乏無以自存且嫁有日矣此心看春不能已乃 家人小奴牧鹅暮歸占其數乃以為已失一鵝家人迫 同

動定以库全書

奴遽歸果於置中得鵝而雨亦如期而至品准內 敢妄也既而又曰郡官求兩甚急吾不能致之汝請麻 其下云傳嚴家奴不得鵝懼罪至此汝為渠訪之一 源探信来鬼唯唯去久之至曰須後日乃雨耳晓鼓 獨數後至諸鵝以為失其一耳神曰汝到圈問乎曰 承命去有頃復至云鵝本不失乃是一鵝先入圈而奴 欠こりる ここす 令出尋夜不敢歸即、 , t Ė 何

令見其詩稍緩刑時人目曰馬啄木墨名揮犀 多総離枯朽木又上最高柯吳桂園林潤忙忙争奈 之曰翠翎迎日動紅嘴響烟難不顧泥凡及惟貪得食 治平中有吉水令治邑嚴酷有野客馬道為啄木詩諷 萬年松栢風悲盡死亡人不見能改衛沒録 在石城西又云日為弓分月為箭射四方生改變千年 文不全有云太原王氏女金陵韓守妻戊辰年八月葬 治平初大水鄉人有於石城西港白石灘獲碑數片其

金匠四月百書

金懿背上春莫怪少年能決裂藍田夫婦總登真後歸 成作詩以錢行時新建主簿劉純臣有詩雖非警拔可 此汝前身也由汝誤念墮此勉自修證勿淪苦海既去 更無羁絆事壺中別有自由身鼎京玉兔山前樂花看 迪具以告妻妻然之遂棄官與妻隱去郡僚挽留不可 熙寧初王迪為洪州左司理參軍一日有道人来磨鏡 以紀其實云鹭如抹漆左祭軍脱却青衫去隱淪世上 因伴迪自照乃見星冠羽帔縹鄉現鑑中迪問其故曰

欠三日百二十五

江西通馬

範詩云嗟乎異哉兩大武高益可與贯畴伍今徒仁義 姑蘇不知所終能政新漫録 安車迎致會八九十者燕序公堂送之還贈以粟吊 名好古臨事真情乃處汝馬州府志 香陽鍾季玉守是邦訪問高年得二大老年告百餘奉 元祐間快山有牧童攫於虎两牛奔救童得不死洪魯 而紀以詩云大老如游更老彭迎来公宇共稱能問 說生乾道有日重新見太平八九十翁同勝會一千

蘇縣令詩使君尊老致明彭踏彼公堂醉児能祝信 餘歲侈者英熊毛序齒關風化觀感油紙孝敬生南 豚於村聖閱四十日不歸三人妻訴於郡守守令尉自 年洛社英盛事散傳时水上賡歌歸美屬儒生建昌作 觀新禮節縱談猶說舊昇平歷眉昔日商山皓尚齒當 袁州黄司理元符中在官時宜春尉遣弓手三人買雞 计尉給曰有盜已得其窟穴遣三人往偵久而不 返

(1) (2) (1) (1) (1) (1) (1) (1) (1) (1) (1)

江西通志

之欲成上憲臺將擇日赴市忽念四人無免狀乃屏吏 過受杖數十耳貧民許遂縛四人請縣送府黃適主治 鄉民耕於野從吏持二萬錢買詐為盜他日案成不 是追遊於賊手願自往留山中月餘無以復命適見四 金分四月全書 黄訟之於朝使同官力勸乃書押四人遂死越二日有 早衣持挺押縣吏二人追院中二吏同時四吏暴卒又 告黃大鷲欲出其罪郡守堅執不允黃不肯押守又恐 詰口果真明日當斬首矣可實告囚因相顧泣下以實

紹聖四年宣城楊其以奉議即字建昌軍之南豐元符 こくこうこう ハルラ 丑復銜花木搏虚而下郡以其事開於朝五月丁卯又 洞泄血痢知不可起屬成向子長迎母訣別而死歷 四十九日始轉許三年及期黃果見四人復至頃之遂 數日攝今死尉亦死郡守越四十日中風死一日黃見 三年八月有鶴百餘翔於境內之紫霄家大觀三年已 録 四囚拜曰某等枉死上帝并欲逮公某等感公意哀求 江西南人 懲

屍胖脹潰爛不可别白後發與吴所驗時又二十 日然 絕無迹狀調平雅與遇有釁欲必誣遇之子以死俟其 其父為洵直以鐵挺擊傷其首發與覆驗官具某投之 孫妙仲名發豐城人崇寧初尉於撫之崇仁才一月光 對定匹库全書 去建昌清志 應老且瞽平乃以誣陳遇之子洵直以為執已為盜時 民陳平為族人陳遇執以為盗後二十日而平之父宗 翔集於縣城之清修觀回環飛舞及暮望西北翔空而

至其後市人舒奇吏人吴昕輩亦相繼而作凡此非 者平之姦謀既逞而効之者益界始惟山谷無賴之民 官蓋崇仁之民前此有避刑名塞通負而軌殘其支體 欠三日日八十五 已不可盡變乃變其情得不殺而發與吳猶以輕罪能 有迹狀以附會之既而獄具發辯之不已州稍悟然業 後醉其弟詠之使斷一手以訴於州州大驚不復察其 外人專以迎合為事遂指閱二十日胖脹潰爛之屍為 事情难以斷手為決有宽於是帖宜黃簿李涇再復涇 江西通志

平人村北無外還华擬他限民他應民心若此非吾人 問中前年截臂渠得理今年截臂吾亦爾村南截臂殺 於天下不可廢知之不必子華子愚民私焚胸一念敢 此風疾痛利害人所同甘心一臂捐糞壞終身廢卧 超死以死視四股截臂如去指嗚呼巴陵之民何以有 江西之民習俗至今猶爾也今録於此云吾聞兩臂重 以濟具姦耳發因作截臂行以告在位者庶革其風然 州縣阻抑或子奪不中有激而後為之欲取必於官司

金牙世是石量

吾能言其初姑息吏不與杜其源嗟哉惡俗傷仁厚明 鄭惟則熙寧初為郡主庫吏家苦貧夜夢道士告曰 轉不已惟則則以大錢易而藏之歸以銀合繡囊秘於 其告而陰察馬有古五銖錢極細薄自衆錢問深出 日交官錢處有異實汝能得之後必致富清旦惟則 明有冤宜勿受一姦不濟百姦消共致和平裨在有能 有冤自可次第訴毒人何必残其身間者莫騰喧此 改蕭漫録 人こうらんはる 江西通志

銀定四月在書 生詹二兩足俱無此同前 鷄其所養鷄母屢搔不可禁詹母忿之盡斬其趾及既 儼死其庫僮范生欲盗取之然啓襲發合無所有矣 建 則死其子儼以錢喪縣於質庫中敬之如神至和三年 香爐中戒家人勿近自此家日多財晚年遂為郡家惟 廬山卧龍卷有劉道人自云百餘歲碧眼不粒食惟 昌府志 石陂農夫詹二之母方娘未育其夫種麻圃中委令飼

火三日日公司 韓子答紹與初寄居臨川周表卿時為宜黃丞歲滿 如杜新詩改罷自長吟乃知老杜用心甚苦予以是知 千林橋袖黃莫德鄉關留不去漢廷全重甲科郎其 **驊昭已腾路不知鵙點尚推藏官居四合峰緣緑驛** 以詩送之云往時束帶侍明光曾看揮毫對御狀只 不去為其為艱難歸故里益見其工東坡當語祭家云 改峰鐃緑為峰戀雨橘柚黄為橘柚霜改英戀鄉關留

相飲水每客至以先知之欲往見不果 物 通山文 集

李彭商老有建除體贈韓子養云滿朝以詩鳴何獨遺 書欲治梁旗顧川士雖慕也識未有能授命直言者也 讀後漢孔融汝類優劣論曰汝南表公著為甲科郎 詩不厭改其末云漢庭全重甲科即意韓自言也其後 黄葉之句云子養全篇云朔風吹雪畫多陰日暮 據 皆 字分寧縣時也子蒼有館中詩最為世所推故商老有 乃知韓詩不当如此能改齊漫録 大雅平生黃葉的摸索便知價蓋是時子蒼白館職 金牙四月五十

客舉觸登望得無愁唐劉長即有和樊使君登潤州 樓詩云山城迢遊敞高樓露冕吹號路上頭春草連 徐師川有陪李泰發登洪州南樓詩云十年不復上 樓直為在內作遠遊滿地江湖春入望連天章貢水争 如相覓與老無期告見侵游宦衣冠少年事病来無復 欠こり見いみす 一分心同前 青雲聊爾居金馬紫氣還應射斗牛公是主人身 江西通走

有無名條有水名終天下大亂此地無憂言可避亂也 故將洲王粲尚為南郡容别来何處更銷憂徐之詩絕 百里至海昏又東流一百里入彭蠡湖世傳郭璞記 修水在分寧縣北東南經縣治又經武寧縣東北流六 類長卿其間一群如出一手也然宋仲安有放船下 口詩云此地側身徒北望餘生乗興復東流乃是全用 [نا 曰

遂挈遗孤還故里舉目無親投此何地作小詩以書於 洋鄉縣宣風鎮驛壁間有留題曰奴本蜀郡越王之裔 字從水何耶按史記徐廣以稱音先糾反或恐通用 告西流所以自南朝以至今日人物殊少然則璞記淌 艮方耳所以分寧雖深僻險絕然代出偉人至若賴水 予按陰陽書云水宜東流蓋異居東方其次則北北 アハロ ラニー ハルー 一年良人登第二年部陽獄吏三年縣學衛世子之夭 江西通志

随流水下錢塘名勝志 痕式盡懶梳粒逐倚西風憶故鄉昨夜夢魂留不住暗 壁士君子莫請馬清和季華書男秀郎棒硯其詩曰 得意與来谁與言早行詩云晨風襲微和聽色動住氣 頗無累時於暗經林棲為未稳集歸馬無聲奔恍惚自 寫在几案問晚歸詩云夕陽欲西沒宛轉山氣昼獨逝 環溪少時終日沈點伯兄覺其如此每以文字强其學 一日借到淵明詩命環溪録既畢遂得晚歸早行二詩 泪

多定四库全書

間晓晴詩云夜半雨忽作朗来雨又晴林花洗幽點池 詩環溪仍復緘默不復在意一日友人自曹山見孫尚書 **馳驅已復到城市伯兄深喜以為似淵明因令讀淵** 望東隅晚日祭光麗胸襟修暄煩敗我幽靜意行行載 腰客行来林下雉熊起時開牧童謠不見騎牛至回 冥冥四郊烟漠漠一川水前村雞犬喧遠樹鳥雀喜山! 頗喜之翌日遂作晓晴野外二詩作顏體大書於几案 回訪伯兄云孫公言諸詩似杜甫皆雄健警絕環溪心

大きつうこう

水湛虚明草色侵衣濕山光入座清茅簷正幽寂啼鳥 两三聲野外詩云野外望中潤逸山宛轉隨小溪芳草 台高樹古藤垂鳥過驚風疾雲行度領遲回頭失歸, 還問老農知伯兄云杜詩乎環溪云亦是但是今杜詩 耳伯凡遂披衣徑詣友人談及二人相與駭嘆不旋 不肯學具流環溪詩話 二詩播於邑下伯兄遂令環溪學杜詩亦但唯唯終 一日借到李白詩文將家本令環溪點對差誤

金好四周在書

旦日蝕環 借玉川焦又令環溪録本環溪亦喜其狂怪會己卯 語去太白亦何遠時仲兄方仰韓文欽玉川子之風偶 曰吾素知此子有太白風如樹頭明月光欲吐反眼仰 兄私謂仲兄曰此子駁駸又將入太白境界矣仲兄亦 大三日草在馬 蝕又作大房四字相贈答以擬井石蝦墓贈答後見白 面天恹恹除風無端吹我燭滿窗明月心更清如此等 所作片下五六時時也遂作日蝕以提生の中至己卯及二十遂作日蝕以提 江西通北

兵同前 伯兄一日看荆公詩至綠成白雪桑重緑割盡黃雲 看金在鎔至為兵不願作刀鋸刑人未必皆不忠為 溪石至江流回轉石不移釣竿卷盡生鬚絲便言好 子金在鎔等數詩以擬樂天録在私集伯兄一日看 更青云白雪不是雪黄雲不是雲但下一割字便見黄 不願作鐘鼎銘數未必皆有功即云樂天於此有愧色 天風詠喜其有補稍諷誦之未幾又作磻溪石歐 器 礌

運分で 戊ノヨド

H

家遊戲於理無害常茶詩云吹斷碧雲春畫永落残紅 之句伯凡見之復大喜謂荆公是用意做来吾弟是因 所以為工也環溪又云頃在岳陽遇仙亭嘗茶有碧雲 月似磨錦之句雲不是雲月不是月而曲盡複稻之理 事而使盖黃雲是禾用荆公向新月乃是鎌用退之新 會環溪觀發稻得一詩中有新月輝輝動黃雲漸漸 一雲是麥將一線字便見白雪是繭如此用意可謂工至 紅雨之對是後又有紅裏白間殺青生白之對亦是詩 欠こうう こう 江西随志

押白問韻殺青乃是和伯凡韻云室虚氣象還生白筆 是窗牖左思作三都賊牆壁户牖各置刀筆故後筆上 清故一時聲公莫不擊節白問是賀南城節秀才韻云 桃爛開薄落微風扇之飛紅達砌景在目前事實而 金匠四月在書 退工夫見殺青時方食素而修經故殺青生白之事得 挑燈倦夜羞黃東置筆窮年對白問益黃裏是燈白問 紅雨蓋用李賀桃花亂落如紅雨之句時老樹根有 雨晓風輕碧雲蓋用虛全茶歌碧雲引風吹不斷之句 耘

美同前 花木又一絕云遊子春衫已試單桃花飛盡野梅酸 来一夜蛙聲歌又作東風十日寒最為含蓄而有氣象 云時垂事轉出端居徒含情不似陷前草春來隨意生 磨提提直見員靜都無病處方休在官間日常作小 或問環溪伯兄詩如何環溪云予伯兄德卻每作詩磨 以併使伯兄以為此對乃得於和韻比之前輩尤為下 又詩云雨餘寒氣淺園林作春媚不知海常花新来著 こうう こりう

或問環溪仲凡詩如何環溪云子仲凡德强詩從蘇黃 中秋無月一聯云也應只是尋常夜未必如今分外 中入如食雪一聯落頭清響銀匙動時下寒光玉盌 開道野梅開欲遍好分春色過山家同前 又有率然而住者村翁習性不浮華只種桑麻不種花 多定四月在書 又随印直閣遊平經云獨總下隨雜飲啄衆星高共 鎖碧鮮又夜半簷聲幾點急秋高雲影一行微言花 何等語則無愧於東坡如半塘微漲聚紅敏幾畝 月 翻

を-

蠶意遠而語奇則無愧於山谷至如輕雷入樹驚花魄 環溪云好詩但一篇亦難如前輩詩有一篇得名有 溪曰愚兄亦自謂此詩差勝然過求集中未見有两 氣渾而語健且又關時含誠愈不可及仲兄開之謂 擁地愁無邊非烟非霧不見日欲雨欲雪難為天不 白浪浮空漲水脂又苦陰一篇荒山乾沒更節序濁氣 有鬚渾帶蜜桑枝無葉已成衣言蜜以見蜂言衣以見 不言花言竹不言竹言雨不言雨言雁不言雁又花葉 た三日草山町 1. 西崎上 首 惟

黃昏亦只是一聯得名多少驚天動地詩豈易得哉 悉二如日月之狀後果拜相封公卒諡文正人雖 五行敦厚四水相朝虎步鐘於望之如神腰胯中有紫 陳康伯字長即宣和進士體貌題梧劉权信相之曰公 聯得名有一句得名如楓落吴江冷空深落燕泥但以 前 一聯得名已為威事如疎影横斜水清淺暗香浮動 句得名已為人所思如風暖鳥聲碎日高花影重是 営俑 月 5

金月でんと言

旅舍夢人歌玉樓春總半陽云玉堂此去春風暖正飛 之祖父鞠其子而及鞠其孫之孫又云觀周氏終衣之 絮馬前操乳婦城前就緑羅衣待來蟾宮與換後果狀 南中有問单山山形如問山色如卓故號問早山乃萬 たの 原 たる 楊條記云龍唐周氏五世同時子養其父而復養其祖 元及第本州府志 長沙王容浮熙奏卯冬過袁州待於仰山神夜宿州東 則天下之昇平可知矣明一統占 1. 两道

閨問形陰陰不似衆山青洪駒父詩云是有福地直斗 仙翁得道之所七十二福地予按陷獨詩云萬何天然 約與於丑二月一日其子見居仁翁南出均父所為詩 夏因取近世以詩知名者二十五人謂皆本於山谷圖 屬居仁序之已而出自領外寄居臨川乃紹興癸丑 一般名問車形色收令屬臨江軍為福地之一玉立 州人夏均父名倪能詩與吕居仁相善既沒六年當

金月四月 在

壁之下澄澈如鑑本朝詩人潘閱移太平州散於軍 為江西宗派均父其一也然則居仁作宗派圖時均父 信州鉛山縣治之北二里間石井資福院有泉湧於山 不知均久沒己六年不及見圖斯言之妄可知矣能 因及宗派之次第且云夏均父自言以在下列為即殊 沒已六年去子近覧賴州所刊百家詩選其序均父詩 次戶四車全書 而留絕句云炎炎畏日樹將焚却恨都無一點雲强路 齊没銀 江西通志

南康有賢女浦益祥符問女子姓劉氏夫死誓不再嫁 湘山野録喜関西湖曲及游江南見題石井絕句頗有 語如夜過修竹寺醉打老僧門之句皆可喜也予舊讀 坡先生稱眉山矮道士好為詩詩格亦不能高往往有奇 蹇驢来得到皆疑渴殺老祭軍蘇黃門過而跋之云東 父兄彊之因自沈於江浦因以取名初號貞女後避船 是一對將恐漫減失傳不知法真師能刻之石否同 前華氣味不在石更仰蘇子美下若老祭軍矮道士自

金気をよくこう

陵諱改為賢女汪革信民當識以二絕云賢女標名度 觀而柱猶存也臨川謝逸嘗賦詩云豫章城南老子宫 猛仗到殺之遂作大鐵柱以鎮壓其處今豫章有鐵柱 晉許真君為旌陽令時江西有蛟為害旌陽與其徒吳 頭水潭似曹城江上聲同前 自流女子能留身後名包羞忍恥漫公鄉可憐嗚咽 幾秋行人撫事至今愁納紋楚雨知何處月冷風悲 とうりき これる **堦前一柱積剛鐵云是旌陽役萬鬼夜半舁來老蛟穴** 江西随志

之歲或見墨汁點滴如發出於水面則次春郡人必有 臨川郡學在州治之東城陽之上其門庭之間有池深 袖向横山打狂國同前 登第者荆公送和南奉使江南詩云為我即尋逸少沙 而不廣联早不竭世傳以為王右軍之墨池每當貢士 我欲摩安时屢掣旌陽挈家上天去只留千丈應門戶 揮定三江不沸騰切勿撼搖坤軸裂蒼苔包裹鱗敛皮 西山高處風露寒兹事恍惚從誰語安得猛士若朱亥

銀灯四月在書

曾子固當為之記郡人謝邁當城詩云張芝學書池水 妙法安可傳獨無餘蹤玩清此但當一日書一箱筆 郁郁非烟雲我書歌傾不成字秋馬斜行落窗紙印 勝事妙入神千年尺水清粼粼有時水面浮墨過紛紛 飛霹靂云是逸少徜徉山川問筆墨林海此其亦嗚呼 古老傳往往故事書簡册南豐先生於得之手揮臣筆 舜云何汝水之上崔嵬峰到今方池有遗墨此事不特 墨章草如芝古無敵右軍睥睨難抗行恨不臨池作書 たいりるという 江西通北

云直道底幾師柳下不應四海獨詩名可謂實録諸人 零落亦多矣師川在靖康中朝列有改名避偽楚諱者 章見師川雙廟詩勉諸洪進步今雙廟詩不存則其詩 視一世同時諸人多推下之然集中不能告善舊傳豫 徐師川豫章之甥然自為一家不似渭陽高自標樹 或在子欽行他年若榜凌雲殿定不懸捡白頭如仲將 師川名婢曰昌奴朝士至則呼之以名節自任故其詩 金万四月至十日 同 前

卒不能返駒父於蘇波之外玉父愛兄之道至矣余讀 一駒父詩云於逢白鶴歸華表更想黃龍出羽淵然師川 亦有處於長君也玉父南渡後為少逢聞師川名有懷 期乃弟兵所欠後居上坡晚節不終不特有處於舅氏 龜父有詩卒章云願為龍鱗嬰勿學蟬骨蛇是以直節 三洪與徐師川皆豫章之甥龜父警句往往前人所未 道然早卒惜不多見駒又詩尤工初與龜又遊梅仙觀 所以推下之者蓋不獨以其詩也劉後村集

大三日日 在台

江两通志

家藏雲林繪鑑册有顏魯公畫像徐師川題詩曰公生 謝乃老死布衣其高節亦不可及同前 百鍊乃出治元暉尤麗密無逸輕快有餘而欠工級幼 **吕紫薇評無逸詩似康樂幼縣詩似九暉按康樂一字** 槃差苦思其合元暉者亦少然弟兄在政宣問科舉之 而悲之同前 開元問肚及天寶亂捐驅范陽胡竟死蔡州叛其賢似 外有歧路可進身韓子蒼諸人或自駕其技至貴顯一 金为巴尼石雪

訪魯公祠一見目明心嵌般未說邦人懷使君且為前 或常九旱小夫計雖得斯民盡塗炭長歌咏君節千載 史此事心已斷老来騎髮哀慨嘆功名晚嗟哉也義途 堂長句曰挂帆一縱疾於鳥長興夜發吳與號杖蒙上 此篇不為工嘗記李德遠舉似重敏德遊湖州題公祠 勇夫懊敬書子張紳庶幾古人半師川以詩鳴江西 捷去不可緩初無當年悲只令後世數一朝絕霖雨南 一魏徴天下非自觀四帝數十年一身逢百難少時讀書 大三丁五百八百百 ·

古情也臣德宗更用曾祀相出當斯位誠艱辛生逆龍 處尋又云江天春晚暖風細相逐賣花人過橋豫章書 鳞死虎口要與乃凡同不朽狂重希烈何足罪姦邪妖 首人呼為謝蝴蝶如云在隨柳絮有時見舞入梨花何 鄭都官作鷓鴣詩人稱為鄭鷓鴣謝無逸作蝶詩三百 人而終身不得仕為可惜也容齊三筆 得世復有洗空凡馬須騏麟之詩語意皆超拔亦臨川 忠假渠手乃知成仁或殺身保身不必皆哲人此公安

金分正屋石量

易之差學恭筆記 數十百咄嗟可具故其黨戲之曰此君家內寄生也賴 章貢小紫川蘇氏山林多鳩賓客滿座可悉屬飫一網 適然寓意而不留於物如悠然見南山東坡所以知其 解其意久乃得之蓋師川專師淵明者也淵明之詩皆 草得歸遲云細落李花那可數偶行芳草步應遲初不 茶山先生云徐師川擬荆公細數落花因坐久緩尋芳 たこうきへいる 決非望南山也今云細數落花緩尋芳草留意甚失故

入仕大親初以銓武合格五百人為魁用故事賜進士 絕奇甥男從来多酷似弟兄如此信難為徐敦立覽之 笑云此乃用前日之啓為禮修報耳揮塵後録 著題矣後與明清詩云吾宗擇将得義之令子傳家又 出身紹興中明清以答贅見云傳經外氏早侍仲尼之 曾文清吉南孔殺父之甥也早從學於毅父文清以陰 州府志 問居提筆文場曾罷平津之為首文清讀之喜曰可謂 金灯四月子書

時宰予必不行心喪三年問何以驗之答曰予親喪以 曹吉甫侍郎藏子瞻和錢穆父詩真本所謂大筆推君 人口可与 八五百 也乃凡從旁對曰記得夫子及率予已先亡矣方为治 期為人况師予其姊曰只恐聞於汝安乎之語不敢違 曾幾學士兒皆早慧中子幾十歲一日謂父曰孔子死 不當用高光事過矣周必大二老堂詩話 以歌向見喻故有此句而廣川董彦遠待制乃畿子瞻 西漢手一言置我二劉問其自註云榜父當草某答的 江西涌走

金行四四百言 曾文清夙興誦論語一篇終身未當廢同前 宅編 汪内相將赴臨川曾吉甫以詩送之有曰白玉堂中曾

草部水晶宫裡近題詩之句韓子養改云白玉堂深曾 的水晶官冷近題詩吉南聞之以子養為一字師竹

豐則陳無己承嗣輩和尚為徒矣余當以此語客為林 賦新荷科即吟曰朱欄橋下水平池四面無風柳自垂 下一笑無不撫掌同前 書言國事伏闕下三日不納斗南退宿旅舍東草為人 歐陽斗南安城人性質直尚風節時秦槍專政至京上 疑是水仙吟意懶碧羅箋卷未題詩建昌府志 **終梅字堅老南豐人負才魚有詩名嘗謁韓子養駒令** 子由為師兄弟也陳無已詩云向来一辨香敬為曾南 欠二百百二二十 江西通志

亡友向巨源自少能作詩予初識之于梁宏夫座上未 高鳥下登臨記曩告歲月驚代謝却數一周星復命千 勢欲等高華從公三三子勝日飽間眼踏攀謝車與自 深知之也是日偕二友從吳傅朋游芝山登五老亭以 怒移文索之不得 監想録 駕言出游分韻賦詩巨源得駕字其詩云兹山何巍巍 以書置手中設祭其前鎖門而去後為舍人所首槍大 辨兩不借捫靡愈坐除行椒得孤榭側送夕陽移俯視 金好四月全書

倉崖威德項日昇勿書凌雲榜華 賴路高層的格超 峻 赦明發還問途合離足悲吃詩成觀者皆服傅朋游絲 著名節百世追延陵我評先生賢不以能詩稱功成磨 詩卷數百篇巨源獨不深歎美之煩記其數句曰先生 里駕身從泛梗流事與浮雲化揭来共一尊似為天所 僅能於枕上一讀而已巨源初見韓子蒼得一詩曰老 雜賣情予為序時予在章貢及序成持寄之則已卧病 其音皆有規諷後哀集其平生所作數千篇目為奏齊 につうこう 八十百 8 江西通志

更思奇節語意係暢亦奇矣弟来自吴興小疵也同 子真祠地君来竟紙題文如士衛俊年與正平齊聞說 時當大歷来自吳興雖賢愚比擬之非倫然明聖逐除 多定匹库全書 之所似奉明主十行之治願布寬係想英賢百世之 湖州移撫州謝上表云惟臨汝之故都有魯公之遺跡 顏魯公自撫州刺史移湖州刺史汪彦章藻紹與初自 供不收但見序中耳三筆 鍾陵郡官居章水西治翁詩律在住處可時攜而韓集 風 萷

萬臨川汪來守即通啓曰承作者百年之師友為斯士 瑞采一朝出天下名香獨見知張祠部强名往客以瑞 東坡諸公繼有詩味宣靈草果芳侯時乃出故記序篇 什悉作瑞字廬山記中亦載瑞香花記訥禪師云山中 廬山瑞香花古所未有亦不産他處天聖中人始稱傳 顧焚筆硯以從公遊蓋前輩相敬慕如此同 汪彦章視中書舍人韓公駒子養前輩也紹興初韓 欠日的 多二十五 一代之統盟別簡云僕知有公而公不知有僕藻老矣 江西通志 削

綿亘百餘里山出嚴其乾道辛卯紹熙奏五歲早村民 者日可得六十斤持歸搗取粉水澄細者煮食之如 嵊炻山在樂平德與境萬斛山在浮梁樂平饒陽境皆 花其撲枝頭蝶驚覺南窗午夢人同前 無食衆往取其根率以味旦荷鋤往掘深至四五尺壯 為睡馬其詩曰曾向廬山睡裏間香風占斷世間春窺 無不出者或不遠數十里多至數千人自九月至二月 **松狀每根二斤可充一夫一日之食冬晴且暖田野** 卷一百六十 粔

銀定四庫全書

即宋史本傳 宣宜誤子其人即取錢去居鄉介潔非所宜受一介不 欲效君前策耳叔卿曰不可吾聞北方災饉故不行 曹叔卿家貧苦心存不欺嘗欲買江西陶器于北方 物為人世之利至矣同前 取妻子困於饑寒而撫庇孤惸惟恐失其意歷官著 而不果行有從之轉售者既受直矣問將何之其人 終歲伸拳則根無力而始止蓋放餓贏者半年天之生 江西通志 E

欠三日月八子司

7

道其詳後及替赴調用舉主改官文字方下而卒於即 壽官止於此徐氏遂不復相接丞訝之以問一老人為 徐從政隆興初為新途縣丞被憲檢充承勘官宿於吉金原四月分書 年止三十四 豫章在宋以詩文著者黃山谷胡少汲也少汲名直孺 日莅吾州宜善待之至晚徐從政至遂具盛禮相延及 之徐姓其家先一夕夢神人曰明日有徐侍郎来宿他 金万四月五十 回復夢曰徐此行受人金枉一人命天曹已減三十年 監 想 纬

處作生涯寒夜録 代之便宜馬去馬歸敢計塞翁之倚伏除大觀文判 才謝內相表視淮南之書豈但矜誇於下國聽山東之 狀云顧仙嶺之提盤自存大手別明廷之儀鳳方集奇 宋周益公久在禁林詞章為一時之冠解免直學士院 絮柳飛花睡起釣簾日半斜四海隨人雙與子相逢處 孫鴻慶稱其筆力雄瞻語出點人有春日絕句風雲吹 語固當禪助於中興謝衣帶鞍馬表褐衣褐見莫陳漢

大三日屋 白書

江两通志

本意過類雁門之復夢成鹿野之真又謝復職表云華 昔之銷印重違白筆之公言故今者剖符庸示清衷之 州以言者奪職罷鎮後復職仍判潭州到任謝表云謂 陽黑水裂地而封舊物青檀從天而下人皆傳誦 如是者連夕因再閱所點悉有用八駁事對者取置諸 趙像之敬考吉州試將放榜夢八馬嘶於庭若有訴然 凡遂不復夢乃升選及拆封則周益公也後趙守漢 間 耆 信

金月

世屋石書

翁之句得樹樓 雅抄 周必大監臨安和削局局內失火延燒民家吏當論死 周少大殿試詩會待品思三日冰湖山尋勝任舟與自 八馬覺夜夢之通神蓋述其事也為州府志 益公在政府答趙啓云作者七人想秋闌之如昨凛 注云給歌泊假三日東坡試院詩亦有點思三日休老

必大問曰假失火自官當得何罪吏曰當除籍為民必

大遂自誣失官歸道雨雪中謁婦翁婦翁不為禮復

江两涌志

大三可見之子

鬚官首肯思因為必大種之及覺猶隱隱痛數日既罷 前夕夢埽雪迎宰相未知為何祥也姑留之宿後中博 ·廬陵能仁寺當宋時早甚米價騰貴一羅漢變為僧 學宏詞科歷官宰相封益國公先是处大夢一判官指 化米於賴縣得兩載舟抵郡城謂舟人曰吾歸領人来 既而将其鬚曰帝王鬚真宰相也必大驚服言安府 相私居一相士挾貴人書来見見相貌甚陋疑為誑 必大日此人有陰德位當宰相奈貌随何**思請為帝** 金分で屋石書 彼 去

致饋時時不繼軍與妻子忍餓卒不以求人隆寒披 周日章信州永豐人操行介潔開門授徒僅有以自給 氣酷類行役方息汗此此在其頭同前 者而足尚濕乃知羅漢所為令諸像中惟化米者有生 僧問故僧曰此無有也舟人見殿上羅漢中有絕似僧 取米及岸失足水中兩履盡濕舟人遲之不至亟請寺 非其義一毫不取家至貧當終日絕食鄰里或以薄少 表客有就之亦欣然延納望其容貌聽其議論莫不聳 てこうる という 江西通志

為近於古之所謂獨行者三華 瑞建三瑞堂已而子适以貳車行縣題詩云久矣馳魂 洪皓字光弼都防人政和中進士初為寧海簿攝令事 無名受之是不辨禮義也卒解之汪聖錫亦知其賢以 勤勤耳受之無傷也日章笑答曰一衣與萬鎮等耳 然縣尉謝生遺以襲衣曰先生未當有求吾自欲致其 夢令登三瑞堂故山有喬木近事話甘常洪邁字景盧 多定匹库全書 蠲貧弱四千八百戶稅縣境荷花桃實竹於有連理之

篋中幸有老菜衣歸時定約春前後免使高堂城式 依辭客路三千遠須信人生七十 稀腰下雖無蘇子 洪光弼有寄子詩太學何蕃久不歸十年甘肯誤庭 直弟兄相望三陪鳳閣之遊人以為忠義之報豫章 官至内翰益文敬號容齊作容齊三筆合四十七卷 欠三日早之言 同 子适遵邁並中詞科當將語曰父子相承四上靈坡之 前 įL 西通志

金牙巴尼石量 之吟賞目前 問益公公廬陵人對曰金柑玉版節銀杏水晶想上為 里所產容齊都陽人對曰沙地馬蹄鼈雪天牛尾狸又 問益公洪容齊當侍壽皇宴因談看核上問容齊即 臣見所盡司馬光像亦如必大清雕上為之一笑未幾 問益公長身瘦面狀若野鶴在翰苑多年壽皇一日燕 在傍徐奏曰官家所嘆宜非周必大乎上曰爾何知曰 居數日好一個宰相但恐福薄耳蓋疑其相也一老暗

人公答曰臣幼習賴真卿字今自成一家又曰朕前 胡忠商公翰墨甚住阜陵當問公曰卿寫字宛如卿為 清問之福十有餘年除章書 侍太上於德壽宮閣上治疊書畫因得卿紹興戊午所 遂登庸為太平宰相與開揖遜之威出鎮長沙退休享 老成英風義氣凛然能動太上自藏之曰可為後世式 上封事真本太上與朕玩味久之喜即辭意精切筆 但其後為秦檜之所批抹汙者朕啓太上今工逐行裁 Ð

大二日日本江西

江西通志

近時奔競最甚無如銓選考試两端督學試士已不免 去裝潢公封事豪有周益公楊誠齊二公題跋在後公 有形之章奏令童子納金助的無使縉糾專利者按此 竿贖紛沓若都邑之試請屬公然更不復界為諱忌至 [3] 孫捂廣西愈憲刻於融州真仏巖我明楊東里先生跋 藍守即稷書云果伏見鄉中小童郭洵直賴脱不羣淹 風亦不始於今日胡忠簡何等人品偶讀澹養集有與

金厅四屋 有世

吕居仁云汪信民革當作詩寄謝無逸云問訊江西謝 慈特賜收録則忠簡亦當為郡試緩頻矣然忠簡生平 康樂溪堂喬木想扶疏高談何日看揮塵安步從来可 仗忠信以感人所謂穎脱淹貫定非虚語此礼實為憐 方善誘不倦何以及此謹採之與論仰涵高明伏乞臺 實九經諸子以應科目委得允當自非郡大尹樂育有 才而作非時輩之所可借口也寒夜録

當車但得丹霞訪麗老何須狗監薦相如年来更勵

江西通志

欠三日草公的

陵節妻子同鋤五本疏饒德操見此詩謁信民曰公詩 時謂予曰熙寧六年冬建昌軍距城五里甘露降於進 真上瑞云云太守以為祥因奏於朝坐言章罷郡先人 東下有亭亭太古松又曰至誠感格合天意露零青松 姓者献甘露松古詩於太守其詩界曰仙臺之陽石壇 紹興辛亥冬撫州祥符觀松降甘露若飴有即官徐其 日進而道日遠矣蓋用功在此也能及齊浸録 金万世月五十 士徐上交別 業之松上濃如厚酒其味香甜上交拆 獻

人身精液流通均布六七十年中若夫壽促必涌併于 者令因出按之有道人笑馬令怒械繫之道人曰譬如 市者語人曰太守不察耳何者為甘露露從天降必徧 未死之前此松殆將福耳官人若不信請寬我以供 於數本豈止松乎吾嘗客華陰縣民亦有以甘露告縣 何獨彼耶各持松葉的弄以示不誣時有野夫賣藥於 鳳皇山下牧童見車馬皆叫呼曰此山松上亦多甘露 于太守張即中子方子方率係屬親之欲以上聞路過 とこうき これす 江西通志

走卒楊亮淳熙中病見兩吏持符追已遠隨之出俄到 驗之昔時甘露所降之枝果已先朽張守因不復奏知 官府有王者問生時有何功德對日身供越走之役每 同前 遇差使不敢違限又問更有何善事對曰小人那得 先人因言鄉里松有甘露亦甚多其實非也乃松液耳 因省景祐两子城西天慶觀松告當一枝有甘露因往 春此松必不禁也令如其說至期果驗馬軍民得其說

万四月在言

蠕動于內後宛轉一榻上跳擲簸頓呻呼哀鳴與蛙 漸痛楚攻劇食飲不復入口家人手摩拊之隐若數蛙 大三里年在雪 淳熙十年得疾醫不能名初覺腹中一物往来胸臆 周三蛙田夫也專以捕魚鼈飲鱔為生計而殺蛙為多 無忍作聲眾亟視之則欠中如熟睡方醒者掖起坐汗 汝未合死放汝還亮得釋奔歸已死两日矣但温温有 善可稱但守本分不害人耳王者命檢籍如所言遂云 如洗移時履地復初建昌府志 江西通志

李獻可吉水人六歲能詩文孝宗名入宫時宫女正午 一机時不異凡一歲乃死同前 金りでなること

勺香汗濕鬢壓翠雲偏柳如眉問緑桃嫌臉上鮮夢魂 睡帝指官女為詩即跪曰御手指婵娟青春白晝眠粉 何處是應統帝王前帝村其背曰卿何不作我家兒命

官女為繡御掌於背以賜歸古安府志

高應科安城人登童子科高宗命引至便殿問日汝童

子乃先朕行耶對日務引君以當道上悦命傳送六宫

如主同前 書無逸篇上喜賜宴因父在以珠簾隔之宴罷徹簾賜 李如圭吉水人七歲能文隨父官至京孝宗召見誦尚 次已日自己与 高正夫安福人七歲通五經寧宗召試實慈官賜衣綬 曾钱泰和人八歲中慶元重子科誠齊贈以詩有舌端 除正字說書實謨閣尚豫章公主同前 九經若翻水屬句方圖起阿沙之句同前 江西通志 Ţ

於院却即陳良訓記 也太史公云問卷之人附青雲則鄰施後世令戴公寄 聖卿 视乃動重建事甚確而公之名 舊志俱弗傳可數 乾道問進賢崇真親有戴道士者先登已且進士累官 危拱辰字耀卿年十四題初月詩云未審初三月婦 故實無稽則昌黎所謂火其書廬其居者戴公亦不免 跡清淨又階通顯而姓氏竟歸湮沒豈兵戈荆榛之餘 金月世屋在雪 怨阿誰賴開十分鏡私畫一邊眉令尹見而異之始令

寝其役を聖志 呼太師且至一金紫人坐肩與而来呼愿曰我宅於西 墓是否莫辨紹與四年衛人鄭琯為主簿以其處軒故 石城永福寺對面有邱雅高且十大相傳是陳恭公祖 其讀書後由進士官至光禄卿正德那志 岡將二百載爾華何得侵犯愿怖汗而寤亟以白琯遂 止因委其事於吏業愿愿夜直宿書齋夢鞠導陸續傳 可遠眺欲平治壠首亭其上工料已具僧徒交勘不可 欠足口巨白言 江西随志 10

瑞金縣江氏畜馬十餘匹一日圉人浴一北馬於江潭 異蓋龍駒也漢志汗血馬生渥注水中信不誣矣坪 馬駒肉赤如血頭方而腹大耳堅而眷强嘶鳴與凡馬 水平馬四至岸圉人牽歸向主翁道其事翁叱其誕明年生 物光彩耀目鱗甲森然繞馬數正久之天日開朗風靜 馬进入急流四塞雲合風起水波高丈餘圉人遙見 江西有誰金鵜頭向天代代出神仙金鵜頭向水代

金月四月月十十

女比前州志 欠こうに 二十二 馬當所謂下元水府山勢尤秀拔正面山脚直插大江 見舉筯了不具人但回時乗馬一頭則不復見耳至今 而果然其初遊魂至人家下馬入門人亦延拜登享親 手握甲馬一奉云行瘟至某地基甲當活其甲當死已 為陰府行疫於四方其將往也蹶死於榻至數日而 甦 雩都張氏其山頂向下故世出一人與冥相通每歲夏 出人鬼令信州張真人家山頭向上子孫相繼膺封 江西通志

抓 舟 之勝舟過磯錐無風亦浪湧蓋以此得名也告人詩 Jt. 廟 金月四屋石電 廟 中估客莫慢狂小站前年 最佳人蜀記 依峭崖架空為閣登降者自閣西崖腹小石徑 白 足而上宛若登梯飛鷹曲檻升碧縹紗江上神 有彭即像彭浪廟有小姑像實不然也 一機屬江州彭澤縣三面臨江倒影水中亦占一 湖口分一支為南江盖江西路也江水潭濁每 嫁彭郎之句傳者因謂 [i] 萷 有

之尚書不我却也及入報其人已去但以所食石榴皮 藍縷百結形體垢穢叩門求謁閣人却之則曰爾第言 蕭尚書達引年歸作縱目樓以待仙者至忽一日一人 前 土赤而壁立東坡先生所謂舟人指點岸如賴者也 桑栗里皆其里也南唐為奉化軍節度令為定江軍岸 引絕不相亂晚抵江州州治德化縣即唐之尋防縣柴 大小日日人山西 用皆以杏仁澄之過夕乃可飲南江則極清澈合處如 江西通志 同

年丁丑寒露前一日也新喻縣志 草人得不死既覺三狗俱斃其人哀之立當以志其義 金りで見る書 其地个割隸清江同前 書桂嚴來三字於将石字跡透徹磨不能減時嘉定十 遂閣筆忽一人義笠求謁既入遂援筆賦詩云怨風 泉塘季氏宴集賦送春詩風雨交作成以無好景為 喻推秀鄉玉虚觀之西昔有人攜三狗行於江皋 偶醉縱卧草間忽野火至狗乃各投水清身濕四旁 紀

欠三可臣 二六百 忽雲湧於地不覺乗空而去人有見若紫雲接引升者 抱疾危甚女到股和樂進疾遂愈明年春其女在座次 淳祐間吾邑之姓義鄉鄭千里者有女名定二娘千 歸歸未得杖頭猶挂一袁衣長嘯擲筆而去惟見門有 老柘陰稀臉邊紅紋梅初熟口角黃消熙學飛我亦 兩總告非風雨不来春亦歸蜀魄啼殘花影瘦異蠶 一回字乃知為洞賓或曰白玉蟾也同 保開之縣縣聞之州乞奏請立廟旌表以勘孝久之 江西通志 前

新建縣有關氏者得一婢姓義鄉人来歷不審因呼 早里人復申前請時洪起畏令高安疑之密康其事適 耳有人為子言近日左髻仙人絕類此因記之然竊怪 未報里人為立仙姑祠禱祈軟應遠近翕然趨之偶苦 療其父不能為愚婦人之所易擁面以完其驅何也或 此 奸而孕父醜之遂宛轉售之旁邑而設為仙事以掩之 僧訊之則所謂鄭仙姑也蓋此女初已字人復與人有 女能為孝乃不能為自能為奇男子之所難割肌

金万世屋石書

瀘溪先生安福王民瞻名庭珪弱冠貢入京師太學門 於易姓禪代之際身為大臣素舊君如遺迹不聞當時 欠己口車心島 回頭貪看新月上不覺竹竿流下灘絡興間宰相秦 围 何以青施於結構於則肌和樂之紅粉耶陳汝舒甘 有詩名有絕句云江水磨銅鏡面寒釣魚人在蓼花灣 有異議者盖忠與孝在丈夫輩已判斷為兩截事矣 口晉王祥宋劉温叟皆一代偉人事繼母皆以孝聞 焦 江西通志 露

安水上飛語告之除名寫辰州孝宗登極名為國子監 義祇心知端能飽與新州飯在處江山足該持有歐陽 白賈生還大厦元非一木支要將獨立柱傾危癡兒不 斗星辰上身落南州瘴海問不待百年公議定漢庭行 乞斬槍誦新州民婚送行詩一封朝上九重劇是日清 力主和我之議鄉先生胡邦衛名銓時為編修官上書 了公家事男子要為天下奇當日奸諛皆膽落平生心 都虎豹開百群動容觀奏議幾人回首愧朝班名高北

金月

ビルノコー

大馬公於是時時裂髮立乾坤畫昏鬼神夜泣又云欲 什恭歡必蹶又云賊據牀上天子在下公抱帝躬嚼齒 孝寧祭李清卿文首句云皇穹將碩天柱必折大帝 贖忠襄人百其身獨逐嘆服不已不知其用太學生姚 耿耿洪河 潰溢滔天横為此然中流觀此底柱又云欲 李彌遜知吉州於州學立楊忠畏公祠堂請劉尚書美 海以老請祠除直敷文閣宫觀楊試齊詩話 中作祭文首句云陰虹吐氣暫翳園景斗於星中孤光 こううここいう 江西通志

篇今亡矣可惜同 得吾清卿之復然盖清卿之父避亂至廬陵嘗館於主 到而登泰華決浮雲而問蒼天雖立盡而繼之以血 安 贖清卿人百其身百人何多一世猶輕又云吾將提長 中之家故美中得此文予少時嘗於劉彦純家見其全 胥使先還既久弗至吏以為逃迨旦白張張適聽訟望 張汝蹈為信州永豐令當治夏稅籍命主吏拘鄉胥 十輩於縣舍吏察録過嚴一胥夜走厠小吏籠燈隨之 前

多定匹庫全書

12

香玩侮人所在如此立撻其妻明日三十里外里正言 **脊亦為拘緊越牆挂衣於河梁赴水妻來訟張怒曰狷** 催健兒持傲往遂擒以歸坐逋逃罪張後宰他己一鄉 臺臺符移甚峻歷三月久客役長沙来見此胥在彼吏 集津丁里保撈屍弗得念其事可疑不即治胥妻訴 為押録苦督已投江中急往驗皆夫物也張計主吏亟 還家今晨有報浮橋柱上挂衣巾履報及緊書一紙云 見白衣婦人執素紙涕泣呼問之曰夫為鄉胥累日不 ていり こくこう 江西通志

工圖之而去同前 山病且死無衣食適廣西的趙季仁銀綱絹數端東山 難邊有死屍張矍然遣視之則看果死張每為話此事 誠齊夫人羅氏年七十餘每寒月黎明即起結廚躬作 訪入其門升其堂目之所見無非可敬可師者因命畫 楊誠齊父子清介絕俗屋宇如田舍翁三世無增飾東 以為斷獄聽訟不可執一端云監應録 ፊ定匹库全書 曰此賢者之賜也衾材無憂矣史良叔守廬陵官滿来

何心哉同前 謂之蝦蟆更禁門方開百官隨入所謂六更也外方則 楊誠齊詩天上歸来有六更蓋內樓五鼓絕柳鼓交作 十當於即圃種学躬紡績以為衣平生首節止於銀 其腹中界有火氣乃堪服役耳東山守吴夫人年已八 寒何自苦如此夫人曰奴婢亦人子也清晨寒冷須使 止於細絹生四子三女悉自乳口飢人之子以哺吾 大三日三八十二 釜偏享奴婢然後令其服役其子東山啓之曰天 江西通志

謂之情點云得掛樓雜 表元量先生名萬頃宋隆平中王容榜進士與胡桐原 金戶四母全書 抄

幸清節公居官慷慨有風節時京邑万俟高之孫與岳

飛家争田委問一十三州府縣歲久不能決理宗皇帝

批金牌初賜諸侯劍卓纛旗哀龍筆架玳瑁硯委公

世三君已湮沒不傳吾邑亦不知有四傑之稱矣寒夜

萬澹春徐竹堂往復唱詠號為四傑元量尚有詩集行

録

云靖康之變此臣子所不忍言東南全半壁之天者击 裁斷公得物命案積庭下如山並不閱視即判以大義 思臣懷逆謀者皆 **岛助成其惡雖籍其家不足以謝** 乃一代効忠名將秦槍實萬世賣國賊臣凡槍所以殺 武移之功也中原絕可圖之望者万俟尚之罪也武移 照仍録以聞上得奏大喜復出御賜緋魚袋一象笏 有一十三處來卷盡界於火別給公據與雅之子孫執 下尚敢與岳氏争田乎可謂不揣其本矣田歸於岳所 欠三日華白島 * 江内通志

名此乃大争氣也不仁者待之以仁無禮者待之以禮 則吾在九京亦為之喜又口屬兄弟語吾兄弟五人自 以忠奉尊長以敬處鄰里以和待細民以恩接朋友以 可貪利不可食學可向訟不可向又云事親以孝事君 貯口屬子孫語德可憑勢不可憑志可尚氣不可尚名 皆已遺失不可考惟衣龍筆架至令猶在洪城後房收 玉帶一金帛百端梅花金臺蓋一副以在公馬其御賜 金月巴尼石雪 禮吾死後凡事不須與諸族争競一意讀書科舉有

守如狼虎獵取膏梁以啖之豫章書 宋末劉炎少負詞學晚為永新尉批於政治太守其有 於泉石安於逸樂而承奉弟遠爾奄逝五馬齊飛一墜 源時長憶出家景及到桃源了還似鏡中影炎乃和而 貪名行邑 親親之而炎不悟既行以詩風炎云未到桃 於地天道無知奪吾爱弟觸物傷情不勝懷思松垣 復之後因民訴受賄遂按炎以法炎復作詩云早知太 二親棄世諸孤同心協力撐持門户乃克有濟吾得射 江西通志

欠二コーニテ

賊渠也公但知陽世事 真數注定却無錯廣信府志 結黨為到盜令數盡受殛耳俞曰舟子何辜曰此人正 子第去明當自至卒歸報明日俞坐廳事至薄暮冷風 官牒勾攝江神卒怖黙禱於水濱忽一白衣老人出云 颯然見一雕眉皓首著白衣者至云溺死十八人前生 死十八人并舟子亦死俞能行符咒事因遣卒持符及 宋末殉義之士接踵而信國公皎潔如秋霜烈日能使

景定辛酉豐人俞松澗知臨江軍見江東渡頭水漲

銀定四月全書

臺為哀歌以竹擊石竹石俱碎者謝泉羽也雖公之赤 水併負遺骸歸葬者張毅甫也時時哭公又慟哭於西 生為祭文以速公死者王鼎翁也侍公獄中朝乡給薪 所知則詭稱姓文以逸公而寧就戮者趙時賞也自詭 勉以忠孝白天下者善鼓琴汪水雲也憂公之不速死 不捨而竟先公死者杜許徐縣鄉鴻諸人也謁公旗獄 為天祥以真免公而就烹者劉子俊也以死相從問關 人人慕服或代之死或從之死或勸以死或痛其死據

次足四年 白馬

江西通志

而母復失明居危地遭厄運扶攜保抱教養冠婚使能 受慕公而不能已已監怨 腔可裂示天下亦具精魄能感焓人而盡欲成就公且 告回日收家報母鼻左患動而左目明未幾右亦如之 治望其愈今不可治無復望矣每言罷軌樓斷一日来 挾策四方皆母廢目中所為者今且十二年矣初謹醫 失且日以却酒肉告神明為事問之則曰吾九歲喪父 王炎午有友彭逢達字元觀授徒吾里當帳烟如有所 金にくせったろうと 鍄

彦娉婚感泣劉元葉官歸養而二母發目為之瞭然今 歸使母識子遂取果餌納之袖而亟之歸又四年而達 良十二年喪明其疾已痼以痼遇衰明恐其暫何不亟 雖然目本於肝氣而養於腎水令以七衰之年腎水必 子無二子之遭而母目自開其火佑於神明有自来矣 君每為余有母喜且為吾母失明惜敢不以告某曰盛 復求之而後知夫人之賢與達之孝固有以臻此而天 永感矣嘗證之醫率怪不信知非藥物所可及則又反 江西通志 五百

官文山不屈囚熊獄者四年而璧以郡守入覲亦至元 一多定四库全書 惠州是冬元兵入廣文山被執不屈而壁以城降文 **畧相同而於宋元與亡之際兄弟用意乃絕相反帝昺** 令人知文山之死不知文山弟之附元文山與弟壁同 執後黎頸緊手足備極艱苦而壁以降附故尊龍為 戊寅文山以樞密開府潮惠之間壁亦以户部侍郎 舉於鄉同登禮部正奏名平生絕相雕無芥帶宦跡 人感應之際至矣吾汝蒙 亦

也同前 |弟文山者肯作孝順人也文山詩云兄弟一囚一騎馬 主見之曰是孝順我的錐棣萼氷炭代不乏人然不應 同父同母不同天使人扼腕所記古来當變革時兄與 與弟俱投順者撫州太守王仲山袁州太守王仲嶷也 弟俱不屈者常山太守顏果卿平原太守顏真卿也兄 兄不屈而弟投順者潮惠開府文天祥惠州太守文壁

宋文丞相督府忠義傅宋禮部侍郎直學士院權直吾

江西通志

というほどう

趙獨作文山傳既赴義其日大風揚沙天地畫晦咫尺 超近四月 白書 紫光禄大夫太保中書平章政事廬陵郡公益忠武命 入朝亦藝炬前導世祖問張真人而悔之贈公特進金 又多本於此云楊東里集 朝此傳多本於丞相所自述故特詳備而後來作宋史 那鄧光薦挺光薦字中南學者稱中齊先生與丞相同 不辨城門畫閉自此連日陰晦宫中皆東燭而行羣臣 王精翁書神主灑埽柴市設壇以祀之丞相博羅行初 卷一百六十

載此事傳疑可也信公至我朝景泰中賜益忠烈祠在 第一因名板扉刻文山所書題字方廣大餘并祝辭 市月柳邊精衛浙江潮王元美部曰精麗豫章書 今順天府學之右明邊廷實有文山祠詩花外子規無 進士第一堂在盧俊縣學明倫堂前宋文文山舉進士 前宋少保右丞相信國公天果開霽按正史文集皆不 主於雲霄中空空隱隱雷鳴如怨之聲天色愈暗乃改 真禮忽狂處旋地而起吹沙滾石不能啓目俄捲其神

にこう ミノン・

江西通志

之魁捷乎與午之秋為解之魁占乎辛未之春為省之 花十二人會元八人幾於車載斗量矣同前 至明始驗二百餘年子吉狀元十一人榜眼十一人探 題指六一公言丙辰大題文山自謂也車載斗量之祝 馨惟吾魁其先眷其炳靈堂刻具存予按原午辛未之 之趣廬陵之題車載斗量不可勝數爾酒既清爾毅既 題齊美子丙辰之狀元為天下之大題悟題之義得題 |銀定四屆全書 燦乎紫微垣之傍為星之魁書乎進士第一之堂為字

岳武穆之下七防縣志 至元間察元定裔孫希概希仁為路官撥入馬站户 叔然乃東燭作文旦祭之稱其精忠大義不在張忠獻 無抑鬱哉材得見君父當披肝瀝膽以雪公之竟言已 疾聲大呼至三鼓近寢室愈悲一寺人驚以為神材得 山之全相寺夜宿辛棄疾祠堂棄疾之孫殺在座時有 淳祐七年冬謝材得偕同志関大猷等十七人會於 鉛 呼曰稼軒及後六十年平生志願百無一酬鬼神豈能 大三丁三人 江西通志

墨山為致書於建陽學師略曰昔范文正公守嚴州求 之後賜以室廬養以廪饒者十餘口伏見慶元學禁五 上蔡之後給以田宅者數人余景詹守南級求楊龜山 嚴子陵之後四家免租税奉祠事黃子畊守台州求謝 生守父訓明師道孫覺顯以立言垂不朽久軒先生文 十九人惟西山蔡文節公受禍最條子節齊九峰两先 有一門三世力扶道脉如祭氏者竊見黃文肅劉文簡 肅公靖忠大節尊主庇民天下讀朱文公書者多矣未

金兵四月在書

差科同前 宣非一 生努力師賢聖他年佐盛明楊文安集 豐城陳會字善同七歲能賦詩書盈尺字元翰林學士 元仁宗延祐時命江西行省進廬山圖桑為紀事 站扶持名教宣特儒家有所勘獎哉書上希概等得免 揭溪斯器重之為賦奇童詩云奇童年七八文思寫然 两家俱蒙褒表應有田産並免差科獨察氏不得沾澤 欠こうる ころう 一缺事乎乞申總管府割下建寧路特為分别出 江西通志

家且以唐臨晉帖喻范百戰健兒喻楊三日新婦喻揭 虞文靖公嘗作范德機詩序有云當時中州人士謂清 之非集之言中州人士之言也非惟中州人士為然亦 二十年未常蒙公一言及斯何别後乃爾虞公曰誠有 遂往臨川訪虞公既相見言及兹事且後斯與公京師 江范德機浦城楊仲宏豫章揭曼碩及集四人詩為四 金厅四月全書 天下之通論也揭公啡然遂即席告别虞公堅留不得 而喻集為漢庭老吏序出過揭公歸省墓見之大不悦 卷一百六十

句盖為虞公發也公得詩謂諸門人曰揭公此詩甚住 竟駕小車而還既别去數日揭公乃於天歷年間以四 白至都竟以疾卒此得之陳維新云維新豫章才子也 然才力竭已就以所寄詩題其後答云今日新婦老矣 詩寄虞公中有奎章分署隔窗紗學士詩成每自誇之 月華寄語旁人休大笑詩成端的向誰誇未幾揭公赹 とこうこ 胡祭酒 後因送人有寄揭公云故人不肯宿山家夜半驅車踏 集 江西通志

說文字原一册元周伯琦著伯琦字伯温聞之前輩言 童子甚宜端本澄源之書也然字訓本程達原因程正 書而為之者也自三言四言至於七言而終孝經於教 毓蒙明訓胡氏序古干文朱子訓蒙絕句孝經刊誤十 學禮詩王氏伊洛精義饒氏性理字訓訓家理詩程氏 養蒙大訓豫章熊大年集陳氏經學啓蒙初學經訓小 思之舊而增廣之者此云饒氏所集不考之過也楊東

欠三可見八子 大體而不自取其功與引拔人材委曲成就之如此 言名伯琦書下筆稱古由是益見進用前輩臨事明 閣用家書為得體周伯温家書今世無過之者上如其 宣文閣榜變言臣所能真書非古古莫如篆朝廷宣文 蒙書宣文閣榜十數紙周不識其意一日有 首今變書 榜是時伯温雖在館閣精蒙書而未為上所知變日令 前 ŗı 西通志 夲

David Tener 100 .

元至正問初改全章閣為宣文朝臣咸謂必命峻峻書

物不情赀雖里人曾壽避兵出境求食為邏卒所獲將 鄭和卿字伯安元季間以慕義為善稱於鄉里利人利 之全正為以刊傳寫之謬非獨攻策之家所不可無使 推伯琦所著又有說太字原其自序云字原以序制作 之子官至江浙行省左丞元之士大夫以蒙書名者皆 六書正為一冊元都防周伯琦著伯琦翰林待制南翁 同 學者得明古人作字之本意而不时於俗不為無助云 金月四屋石書 前

之建昌府志 就發過其門大呼救命和即傾索脱其死路逐一人小 其於取一無各色有發鳥獸鱗介閣於市者與值而縱 造門求食者量力與之每於荒歉寒暑中贈貧者以未 地哀號詢知為盜拍去驚產價金數十兩母病無計 鏹薪炭歲以為常其路遠不能至者遣人散給栗 帖聽 活即依數代償之其人感泣而去歲甲午大饑民相食 大村里黎坊有名黎一者元末聚無賴肆劫掠本里有 江西通志

アニコションショ

夫同孫至東十里水際殺之二人臨死時曰當訴於問 其家曰田地盡與我則生潘懼如其言立賣約記引 潘誠夫家富於財黎一劫其財又拘誠夫同其孫景 前 子孫絕減無遺田地盡歸他人天道報應有如影響 興黎一兒於賊其子黎得玉黎得祥告病狂持刀自 王自後夜寂時二人之靈常哭於門灑血滿地或呼愁 名或託禽鳥之聲號哭遠屋而飛自是其家災禍迭 般 ō

銀厅四周在書

篇序為學詩初豪與杜原父孫履常揭曼碩友善所交 大山求德機之廬而卒業馬德機定其可傳者五十餘 令體服其雄浩又得范太史德機五七言古今體服其 士從廬阜黄尊師石翁學為詩後得楊推官仲宏七言 金谿羽人查居廣臨川人少入金谿望仙觀受度為道 多時人静士雅惜住山水杖履所歷攬結奇秀貨之賦 清峻皆手鈔口誦期與之俱化因崇其詩西之清江百 味柳道傳為作墓表謂當時詩名與廣居上下韻頑而

たこうる 人子

江西通志

試作之相知者一二君子耳余當用之爱其沈者而無 豫章朱萬初世儒家敏文而善藝得古墨法至京師 後来之秀云元詩選小傳 余敢善者危素太朴王漸元翰揭車子舟四人為江 殊以其言為信天子御奎章閣親翰墨近臣以為薦果 留蹟輕清而有餘潤其品在郭圯父子問而縉納博雅 孫惠蘭年二十三歸傅冶金其緑窗遺豪世傳誦之其 稱古賜官可謂荣遇也已度而生集 右 頫

金足四母在書

輝樓較耕録 請官王囚婦寫辱百計命所厚總領索其家金酒器 曹州人王知事官吉州路屬縣一富翁死妻因爭家財 鏡見垂條坐對分金線行防拂翠翹流鶯空巧語倦聽 漫題二首云窗裏人初起窗前柳正嬌捲簾衛落絮開 倒沈甌偶捧消春困親當散暮愁吟詩因坐久月轉 不須調又小閣烹香茗球簾挂寶鈎鈴光飛出頂釵 影 一從命復慮事後有詞乃殺婦滅口改授建寧路知 婦

欠にり早亡与

江西通志

かき

趙由俯南豐人虞伯生曰與僻有千載世外之交信其 去對証遂獨付家事踰時曰文書已有言記而死監 對曰吉州路来取王知事忽不見知事先忠應至是語 豺 家人曰吉州路城隍司差人勾我候本路城隍回文便 其頻隨發癰不三日死臨終時云官亦須来對証踰數 事大徳辛丑秋一日總領於義和坊下見前婦以手 日有二騎梭帽白衣自城外来直至廳同官見而問之 继

金为世是石量

雲然請龍王理也天下之所同也而請龍王夫人則妄 至汝州終縣得之至治中在表門問明一統志 ار: ز 內行浮備故知其事親者非止甘肯之奉温清之儀而 **黄蹙經字一真南城人五歲因亂失母稍長誓求母乃** 所發衣而不傷此古之作者非常人所及也產集學 已臨川吴草廬先生讀其述祖思親之詩而數曰直哉 欠こうるここう 江涉淮行乞而往衝風冒雨備歷艱苦凡三十八年 Ę 江西通志

我口不能醉也但念無以時母此問尚轄霖霖有處 選找到者再嫁之須臾到在懸旛上女喜拾歸是夜無 像於龍王右呼金姑為龍王夫人高安縣志 我我即揮之来放以此為誓斷不異言於是陳人塑其 數百頭皆雨卒隸女纛下以後值早思来肆災當以告 疾而死明夕托夢於其母曰吾已為龍王所娶矣言 外家歸過龍王廟而墮到過桑不見待於龍王曰有人 也高安之所獨也高安含防橋陳氏有閨秀名金姑從

金元四月全書

表一百

名吴中蔣堂識嬪衣生曰楊景行太和州人即楊文貞 右歸安縣尹楊景行字賢可號吟窗言此事失其婦姓 惜多才憐薄命無計可留汝揉碎花箋忍寫哀腸的道 三年一日思歸詢其故告以曾娶妻与其父父怒妻 戴石屏未遇時流寓江西武寧武寧富翁以女妻之留 是夢中語後回君若重来不相忘處把杯酒澆奴墳上 傍楊柳依依千絲萬縷抵不住一分愁緒捉月盟言不 宛曲解之盡以嫁盒贈之仍餞以詞遂投江而死詞云 欠三日巨八五百 江西通志

名野多有題味能明来詩曰九牧夫貢金司空不行水 豫章鐵柱宫井中鐵柱相傳為許旌陽鎮蛟之柱歷 須史翠烟開月色照綵服又危學上素嘗與范德機 綠道人晚歸来長歌振林谷山深不知求 落葉下枯 元季清江有鬼作晚翠亭詩云一徑入青松飛流淡晴 晄 公之祖也入元循吏傳職章書 夜同步德機得二句云雨止修竹間流監夜深至喜甚 金分四月在書 而曰語太幽殆類鬼作遂不役級筆臨江府志 秋

越於聚作胡祭酒 未喻其古公曰此柱未敢必為旌陽之物故詩意告設 過能在逢菜期劫外下騎黃鵠一摩挲此詩初出人皆 較能弄波濤魑魅入城市吁嗟清談者萬事謾齊俚遂 欠己可見 二 得沈沙造戟不堪磨汾陰冉為千年出海底珊瑚百尺 詞以問之先伯父當云鐵柱詩甚多獨熊虞二公之詩 令千載人稽首旌陽子正言反應詞簡意高處學士 曰老龍無意弄新波化作見翁倚柱歌點石神功寧複 焦 江西通志

and the second property and the	en subspriper.	(farmer by a septemb	**********	of the light to deputy out to	Transmit
江西通志卷一百六十					金江四月在書
心生					丰
一百					
六十十					恭一百六十
					* +
				5	700 cold
- 4.50 4.50		Fibrature 1			PROGRAMMA